

青州府志卷六十四

記二

雜記

雜記者曲臺舊篇名也所記者義類多別不可統一故曰雜焉今之地志類有是卷以盡地理人物之餘然往往拾摭失當儕乎說部非志體矣茲特取其有關文獻足資郡邑之考核者若干條視舊志所載蓋增者六七損者三四焉後哲覽之亦未嘗非古今得失之林學者是非之辨也故次其篇於大事記後

史記封禪書公孫卿齊人元鼎元年得寶鼎卿曰今年得

青州府志卷六十四

一

寶鼎其冬辛巳朔旦冬至與黃帝時等卿有札書曰黃帝得寶鼎宛胸問於鬼臿區鬼臿區對曰黃帝得寶鼎神策是歲巳酉朔旦冬至得天之紀終而復始於是黃帝迎日推策後率二十歲復朔旦冬至凡二十推三百八十年黃帝僊登於天卿因所忠欲奏之所忠視其書不經疑其妄書謝曰寶鼎事已決矣尙何以爲卿因嬖人奏之上大說乃召問卿對曰受此書申公申公巳死上曰申公何人也卿曰申公齊人與安期生通受黃帝言無書獨有此鼎書曰漢興復當黃帝之時曰漢之聖者在高祖之孫且曾孫也寶鼎出而與神通封禪封禪七十二王唯黃帝得上泰

山封申公曰漢主亦當上封上封則能僊登天矣黃帝時萬諸侯而神靈之封居七千

索隱韋昭云黃帝時萬國以其修神靈得封者七十國或

爲七天下名山八而三在蠻夷五在中國中國華山首山

太室泰山東萊此五山黃帝之所常游與神會黃帝且戰且學僊患百姓非其道者乃斷斬非鬼神者百餘歲然後得與神通黃帝郊雍上帝宿三月鬼與區號大鴻死葬雍故鴻冢是也其後黃帝接萬靈明廷明廷者甘泉也所謂寒門者谷口也黃帝采首山銅鑄鼎於荆山下鼎既成有龍垂胡髯下迎黃帝黃帝上騎羣臣後宮從上者七十餘人龍乃上去餘小臣不得上乃悉持龍髯龍髯拔墮墮黃

青州府志卷六十四

二

帝之弓百姓仰望黃帝既上天乃抱其弓與胡髯號故後世因名其處曰鼎湖其弓曰烏號於是天子曰嗟乎吾誠得如黃帝吾視去妻子如脫躡耳乃拜卿爲郎東使候神於太室上遂郊雍至隴西西登崆峒幸甘泉其冬公孫卿候神河南言見僊人迹緱氏城上有物如雉往來城上天子親幸緱氏城視迹問卿得母效文成五利乎卿曰僊者非有求人主人主者求之其道非少寬 神不來言神事事如迂誕積以歲乃可致也於是郡國各除道繕治宮觀名山神祠所以望幸也來年冬議封禪齊人丁公年九十餘曰封禪者合不死之名也秦皇帝不得上封陛下必欲

上稍上卽無風雨遂上封矣上於是禮登中岳太室東上
泰山巡海上行禮祠八神齊人之上疏言神怪奇方者以
萬數然無驗者乃益發船令言海中神山者數千人求蓬
萊神人公孫卿持節常先行候名山至東萊言夜見大人
長數丈就之則不見見其迹甚大類禽獸云羣臣有言見
一老父牽狗言吾欲見巨公已忽不見上卽見大迹未信
及羣臣有言老父則大以爲僊人也宿留海上予方士傳
車及間使求僊人以千數四月還元封元年公孫卿言見
神人東萊山若云欲見天子天子於是幸緱氏城拜卿爲
中大夫遂至東萊宿留之數日無所見見大人迹云卿曰

青州府志卷六十四

三

僊人可見而上往常遽以故不見今陛下可爲觀如緱城
置脯棗神人宜可致也且僊人好數居於是上令長安則
作蜚廉桂觀甘泉則作益延壽觀使卿持節設具而候神
人之屬其明年伐朝鮮夏旱公孫卿曰黃帝時封則天旱
乾封三年上乃下詔曰天旱意乾封乎其令天下尊祠靈
星焉七年十一月甲子朔旦冬至天子親至泰山祠上帝
明堂東至海上考入海及方士求神者莫驗然益遣冀遇
之十二月上以柏梁裁故朝受計甘泉公孫卿曰黃帝就
青靈臺十二日燒黃帝乃治明延明廷甘泉也方士多言
古帝王有都甘泉者其後天子又朝諸侯甘泉天漢三年

復至泰山修封還過祭恆山凡十二年徧於五嶽四瀆矣而方士之候伺神人入海求蓬萊終無有驗而公孫卿之候神者猶以大人之迹爲解

漢書溝洫志徐伯齊人武帝元光中鄭當時爲大司農言異時關東漕粟從渭上度六月罷而渭水道九百餘里時有難處引渭穿渠起長安旁南山下至河三百餘里徑易漕度可令三月罷罷而渠下民田萬餘頃又可得漑此損漕省卒而益肥關中之地得穀上以爲然令齊人水工徐伯表發卒數萬人穿漕渠三歲而通以漕大便利其後漕稍多而渠下之民頗得以溉矣 又楚元王交傳劉德

青州府志卷六十四

四

字路

朱祁曰路字下疑有叔字

少修黃老術有智略昭帝初爲宗正丞

後爲宗正妻死大將軍光欲以女妻之德不敢取畏盛滿也蓋長公主孫譚遮德自言德數責以公主起居無狀侍御史以爲光望不受女承指劾德誹謗詔獄免爲庶人屏居山田光聞而恨之復白召德守青州刺史歲餘復爲宗正 又顏安樂傳安樂字公孫魯國辭人睦孟姊子也家貧爲學精力與嚴彭祖同受公羊春秋於睦孟質問疑誼各持所見孟曰春秋之意在二子矣由是公羊春秋有顏嚴之學安樂官至齊郡太守丞後爲仇家所殺 又孟卿傳楊榮字子孫梁人與橋仁同受小戴於徐良由是大戴

有徐氏小戴有橋楊之學榮官至琅邪太守 又房鳳傳鳳字子元不其人也治穀梁春秋大司馬王根薦鳳明經通達擢爲光祿大夫遷五官中郎將時光祿勳王龔奉車都尉劉歆與鳳共校書歆白左氏春秋可立哀帝納之以問諸儒皆不對唯鳳龔許歆遂共移書責讓大司空師丹奏歆非毀先帝所立上於是罪歆等出鳳爲九江太守至青州牧

後漢書張宗傳宗字諸君南陽魯陽人也王莽時爲縣陽泉鄉佐莽敗宗率陽泉民三四百人西至長安更始以宗爲偏將軍宗見更始政亂因將家屬客安邑及大司徒鄧

禹西征定河東宗詣禹自歸禹聞宗數多權謀乃表爲偏將軍光武以爲京輔都尉建武六年拜太中大夫八年青冀盜賊屯聚山澤宗督諸郡兵討平之十六年琅邪北海盜賊復起宗督二郡兵討之皆悉破散於是羣賊懼其威武相捕斬者數千人後遷琅邪相其政好嚴猛敢殺伐永平二年卒於官 又陳俊傳俊字子昭南陽西鄂人也光武卽位封爲列侯建武二年更封新處侯其秋大司馬吳漢承制拜俊爲彊弩大將軍四年泰山豪傑多擁衆與張步連兵吳漢言於帝曰非陳俊莫能定此郡於是拜俊泰山太守行大將軍事張步聞之遣其將擊俊戰於嬴下俊

大破之遂定泰山五年與建威大將軍耿弇共破張步時
琅邪未平乃徙俊爲琅邪太守 將軍如故齊地素聞俊
名入界盜賊皆解散俊將兵擊董憲於贛榆進破胸賊孫
陽平之八年張步叛還琅邪俊追討斬之帝美其功詔俊
得專征青徐俊得撫貧弱表有義檢制軍吏不得與郡縣
相干百姓歌之 又李章傳章字第公河內懷人也光武
時遷干乘太守坐誅斬盜賊過濫徵下獄免 又崔琦傳
琦字子璋涿郡安平人初舉孝廉爲郎河南尹梁冀聞其
才請與交冀行多不軌琦作外戚箴白鵠賦以諷冀曰君
何激刺之過乎琦對曰將軍累世臺輔仕齊伊公

伊尹不

青州府志卷六十四

六

能結納貞良以救禍敗反覆欲鉗塞士口杜蔽主聽將使
元黃改色馬鹿異形乎冀無以對因遣琦歸後除爲臨濟
長不敢之職解印綬去冀遂令刺客陰求殺之客見琦耕
於陌上懷書一卷息輒偃而詠之客哀其志以實告琦得
脫走冀後竟捕殺之 又吳祐傳母邱長安邱人與母俱
行市道遇醉客辱其母長殺之而亡安邱追蹤於膠東得
之膠東侯相吳祐呼長謂曰子母見辱人情所恥然孝子
忿必慮難動不累親今逞怒殺人赦若非義刑若不忍將
如之何長以械自繫曰國家制法囚身犯之明府雖加哀
矜恩無所施祐間長有妻子乎對曰有妻未有子也卽移

安邱逮長妻妻到解其桎 使同宿獄中妻遂懷孕至冬
盡行刑長泣謂母曰負母應死當何以報吳君乎乃齧指
吞之含血言曰妻若生子名之吳生言我臨死吞指爲誓
屬兒以報吳君因投繯而死

隸釋北海相景君碑陰故門下督盜賊劇滕頌字叔遠故
門下議吏平昌蔡規字中舉故門下書佐營陵孫榮字世
榮故門下書佐淳于逢訴字闕成故騎吏劇曹麟字敬石
故吏朱虛孫徵字武闕故吏營陵薛逸字伯踰故吏營陵
闕鴻字中闕故書佐朱虛鞠欣字君大故書佐營陵徐曾
字曾華故書佐淳于孫悝字元卓故書佐營陵鍾顯字闕

青州府志卷六十四

七

寶行義劇張放字公輔故書佐劇乘禹字伯度故書佐劇
紀政字世堅故書佐淳于孫眺字晃字威光故循行營陵留
崇岑字漢興故循行營陵是盛字護宗故循行營陵闕暹
字武平故循行營陵臨照字景耀故循行營陵淳于登字
登成故循行營陵顏理字中理故循行營陵水邱郃字君
石故書佐劇徐德字漢昌故書佐劇姚進字元豪故書佐
劇邴鍾字元鍾故循行劇中闕字季遠故循行淳于趙尙
字上卿故午營陵是遷字世達故午營陵留敏字元成故
午淳于董純字元祖故午營陵繻良字世騰故午朱虛炅
詩字孟道 又景君碑陰諸生服義者義士北海劇張敏

字公輔弟子齊國臨菑宋成字子賓弟子齊國臨菑劉封
字漢輔弟子樂安高宛牟龍字文世 又景君碑尤磨滅
惟謁者任城景君數字尚完其餘班班可見者皆不能成
文故其年世壽考功行卒葬莫可考也蓋漢隸今尤難得
其磨滅之餘可惜爾熙甯二年十月晦日山齋書 又景
君石郭銘余旣得前景君碑又得此銘皆在任城不知一
景君乎將任城景氏之族多耶文字磨滅不可考故附於
此熙甯三年正月朔旦山齋記 又平原東郡門生蘇衡
等題名門生北海劇字缺二字孟高 又魯相韓勅造孔廟
禮器碑題名故樂安相魯庶季公北海劇袁隆展世 又

青州府志卷六十四

八

韓勅孔廟後碑陰北海平昌長河南雒陽李訪伯助字闕二

又泰山都尉孔宙碑陰題名門生北海安邱齊納字榮
謀門生北海劇秦麟字伯麟門生北海劇如廬浮字遺伯
門生北海劇辭顓字勝輔門生北海劇高冰字季超弟子
北海劇陸暹字孟輔 又祝睦碑云君諱睦字元其下遂
缺滅不能成文惟其官壽年月可見云賓於王庭除北海
長 穎川鄆令辟司空府北軍中侯拜大尚書僕射遷長
山相山陽太守年六十有八延熹七年八月丁巳卒 又
劉寬碑陰門生名淳于 廣陽安次劉穌順仁 博昌長
東萊曲成王琬元孝干 又安平相孫根碑陰博昌頌校

孫叔淵孫九原

此碑字畫苟且似是孫根後裔譏其名於上世之碑陰也靈帝光和四年

又

臨朐長仲雄碑文字磨滅其粗可考者云君諱雄又云歷郡五官掾功曹史辟從事舉孝廉除郎中遷臨朐長而其額題故臨朐長仲君碑云

搜神記董永干乘人家貧傭耕以養其父父歿貸錢於里之富人裴氏許身為奴以償所貸得錢五千營葬畢忽道遇一婦人求為永妻永與俱詣錢主令織縑三百以償一月而畢辭永曰我天之織女緣君至孝上帝令我助君償債言訖凌空而去

通鑑晉安帝義熙六年二月丁亥劉裕悉眾攻廣固城尚

青州府志卷六十四

九

書悅壽開門納晉師裕忿廣固久不下欲盡阬之以妻女賞將士韓範諫曰晉室南遷中原鼎沸士民無援強則附之既為君臣必須為之盡力彼皆衣冠舊族先帝遺民今王師弔伐而盡阬之使安所歸乎竊恐西北之人無復來蘇之望矣裕改容謝之然猶斬王公以下三千人沒人家口萬餘夷其城隍

晉書載記晏謨青州人

齊乘作臨淄人

南燕慕容德如齊城登營

邱望晏嬰冢顧謂左右曰禮大夫不逼城葬平仲古之賢人達禮者也而生居近市死葬近城豈有意乎晏謨對曰孔子稱臣先人平仲賢則賢矣豈不知高其梁豐其禮蓋

政在家門故儉以矯世存居湫隘卒豈擇地而葬乎所以
不遠門者猶冀悟平生意也遂以謨從至漢城陽景王廟
讌庶老於申池北登社首山東望鼎足因目牛山而歎曰
古無不死愴然有終焉之志遂問謨以齊之山川邱陵賢
哲舊事謨厯對詳辯畫地成圖德深嘉之拜尚書郎
十六國春秋南燕諸臣列傳慕容容鍾字道明德之從弟也
少有識量喜怒不形於色機神秀發言旨清辯至於臨難
對敵知勇兼濟累進奇策備德頗從之率皆中焉由是政
無巨細悉以委之遂爲佐命元勳封北地王超旣嗣位政
出權門公孫五樓等規挾威權慮鍾抑已固勸超誅之鍾

青州府志卷六十四

十

懼遂謀叛事敗奔秦 又封孚字處道渤海蓀人也聰敏
和裕有士君子之稱仕垂散騎常侍轉留臺尚書及寶僭
立累遷吏部尚書蘭汗之亂南奔辟閭渾渾表爲渤海太
守德至莒城孚遂出降德曰孤得青州不以爲喜喜於得
卿也常外總機事內參密謀雖位任崇重而謙虛博 深
得大臣體度超旣嗣位政出權嬖軌憲日敝孚屢與韓
盡言匡救超不能納其後臨軒問孚曰朕可方前世何主
孚曰桀紂之主超大慚怒孚徐步而出不爲改容司空鞠
仲失色謂孚曰與天子言何其亢厲宜應還謝孚曰行年
七十墓木已拱惟求死所耳竟不謝超以其時望特優容

之太上三年卒於家謚日文穆其所著文章多傳於世
又封嵩渤海人仕德爲左司馬遷尙書左僕射超初嗣位
大旱太后段氏告超曰左僕射封嵩教殷丹下車訪問民
間疾苦丹常具陳孝婦不當死以致亢旱當誅姑女改葬
孝婦丹如其言應時雨注後超信任姦邪不恤政事嵩遂
與南海王法等謀反征南司馬 珍言於超曰左僕射封
嵩數與法往來疑有奸超收嵩下廷尉辭及段太后太后
懼泣告超曰嵩教遣黃門令牟常說吾云帝非太后所生
恐依永康故事我婦人識淺恐帝見殺卽以語法法爲謀
見誤知復何言超聞而大怒乃車裂嵩於東門之外 又

青州府志卷六十四

十一

控宏平原人仕德爲從事中郎先是德母及兄納

一作光

皆

在長安德遣宏如長安存問消息宏曰臣至長安若不奉
太后動止便卽西如張掖以死爲效但臣父雄今年踰六
十未沾榮貴乞本縣之祿以申烏烏之情中書令張華曰
杜宏未行而求祿要君之罪大矣不可使也德曰吾方散
所輕之財招所重之死況爲親尊而可吝乎且宏爲君迎
親爲父求祿雖外如要君內實忠孝何罪之有乃以雄爲
平原令宏至張掖爲賊所殺德聞而悲之厚撫其妻子
又龐世不知何處人仕德爲光祿勳奏案豪強苛刻人物
咸懼疾之及卒門無弔客時人爲之謠曰龐家之巷車馬

麟麟泥丸之日無弔賓弔賓不至何所因由性苛刻寡所

親 又桓

垣 或作

廠略陽豎道人族姓豪強石虎時自略陽

徙鄴廠仕苻氏爲長樂國郎中令德入青州以廠爲車騎
長史超襲僞位其長子遵次子苗復見委任遵爲尙書苗
爲京兆太守劉裕圍廣固遵苗踰城歸順並以爲太尉行
參軍 又張華清河東武城人有機辨仕德爲給事黃門
侍郎中書令屢進直言仕超至左僕射奉使至秦辭令不
屈後爲劉裕所獲 又劉昶平原人世仕慕容氏昶從德
南渡河因家於北海之都昌縣子奉伯爲超東牟令後歸
劉裕爲北海太守 又傅融清河人隨德南徙渡河遂家

青州府志卷六十四

十二

於磐陽爲鄉里所重性豪爽不拘小節尤善屬文 又李
根遼東襄平人仕寶至中書監與子後智等隨德南徙渡
河居青州數世無名位三齊豪門多輕之 又王牢太原
祈人仕慕容氏爲上谷太守隨德南渡居青州因家焉
又冷平臨淄人太上年有司奏沙門僧智夜入平舍淫
其寡嫂李氏平與弟安國殺之郡縣按平兄弟欲以一人
坐殺人論死而平安國各引自殺讓生競死義形急難且
手殺罪人宜並加原宥超詔俱赦之 又高軌渤海蓀人
隨德渡河徙青州因居北海之劇縣 又王景暉秦太史
令高魯之甥也初同魯在秦魯遣暉隨德使劉藻獻玉璽

於德遂留仕德後著南燕錄六卷行於世

宋書胡藩傳藩字道序豫章南昌人高祖素聞藩直言於殷氏又爲元盡節召爲員外散騎侍郎參軍軍事從征鮮卑賊屯聚臨朐藩言於高祖曰賊屯軍城外留守必寡今往取其城而斬其旗幟此韓信所以克趙也高祖乃遣檀韶與藩等潛往旣至卽克其城賊見城陷一時奔走還保廣固累月將拔之夜佐史並集忽有鳥大如鷲蒼黑色飛入高祖帳裏皆駭愕以爲不祥藩起賀曰蒼黑者胡虜之色胡虜歸我大吉之祥也明旦攻城陷之以功封陽山縣男食邑五百戶 又崔道固傳道固清河人大明三年出

青州府志卷六十四

十三

爲齊北海二郡太守民焦恭破古冢得玉鎧道固檢得獻之執繫恭

南史蕭思話傳思話南蘭陵人元嘉中爲青州刺史八年魏軍大至乃棄鎮奔平昌魏軍定不至由是徵繫尙方初在青州常所用銅斗覆在藥厨下忽於斗下得二死雀思話歎曰斗覆而雙雀隕其不祥乎旣而被繫 又賈希鏡傳孝武時青州人發古冢銘云青州世子東海女郎帝問學士鮑照徐爰蘇寶生並不能悉希鏡對曰此是司馬越女嫁荀晞兒檢訪果然由是見遇

魏書張烈傳烈字徽仙清河東武城人也高祖賜名曰烈

仍以本名爲字焉高祖悌爲慕容儁尙書右僕射曾祖恂散騎常侍隨慕容德南渡因居青郡之臨淄烈少孤貧涉獵經史有氣概時青州有崔徽伯房徽叔與烈並有令譽時人號曰三徽高祖時入官代都厯侍御主文中散遷洛除尙書儀曹郎遂敕除陵江將軍順陽太守烈到郡二日便爲寶卷將崔慧景攻圍七十餘日烈撫厲將士甚得軍人之和會車駕南討慧景遁走高祖親勞烈曰卿定可遂能不負所寄烈拜謝曰若不值鑾輿親駕臣將不免困於犬羊自是陛下不負臣非臣能不負陛下高祖善其對世宗卽位追錄先勲封清河縣開國子邑二百戶尋以母老

歸養積十餘年頻值凶儉烈爲粥以食飢人蒙濟者甚衆鄉黨以此稱之肅宗初除龍驤將軍司徒右長史又轉征虜將軍司空長史先是元乂父江陽王繼曾爲青州刺史及乂當權烈託故義之懷遂相諂附除前將軍給事黃門侍郎尋加平南將軍光祿大夫後靈太后反政以烈乂黨出爲鎮東將軍青州刺史於時議者以烈家產畜殖僮客甚多慮其怨望不宜出爲本州改授安北將軍瀛州刺史爲政清靜吏民安之更滿還朝因辭老還鄉里兄弟同居怡怡然爲親類所慕元象元年卒於家弟僧皓字山客厯涉羣書工於談說有名於當世熙平初徵爲諫議大夫正

光五年以國子博士徵之孝昌二年徵爲散騎侍郎並不
赴世號爲徵君焉好營產業孜孜不已藏鏹巨萬他資亦
是兄弟自供儉約車馬瘦敝身服布裳而婢妾紈綺僧
皓尤好蒲弈戲不擇人是以獲譏於世前廢帝時崔祖螭
舉兵攻東陽城僧皓與同事敗死於獄籍沒家產

洛陽伽藍記李延實者魏莊帝舅也永安中除青州刺史
將行帝謂實曰懷搏之俗世號難治舅宜好用心副朝廷
所委答曰臣已久乞閑退陛下渭陽興念寵及老臣使夜
行罪人裁錦萬里謹奉明敕不敢失墜時黃門侍郎楊寬
在帝側不曉懷搏之義私問舍人溫子昇子昇曰吾聞至

青州府志卷六十四

十五

尊兄彭城王作青州刺史聞其賓客從至青州者云齊士
之民風俗淺薄虛論高談專在榮利太守初欲入境百姓
皆懷搏叩頭以美其意及其代下還復以搏擊之言其向
背速於反掌是以京師謠語曰獄中無繫囚舍內無青州
假令家道惡腸中不懷愁懷搏之義起在於此也

北史王憲傳王晞字叔朗北海劇人魏末遷鄴遨遊鞏洛
悅其山水有終焉之志西魏將獨孤信入洛署晞爲開府
記室晞稱先被犬傷困篤不赴有故人疑其所傷非獬書
勸令赴晞復書曰辱告存念見令起疾循復眷旨似疑吾
所傷未必是獬吾豈願其必獬但理契無疑耳就足下疑

之亦有過說足下 疑其非獬亦可疑其是獬其疑半矣
若疑其是獬而營獲雖非獬亦無損疑其非獬而不療儻
是獬則難救然則過療則致萬全過不療或至於死若王
晞無可惜也則不足取既取之便是可惜奈何奪其萬全
任其或死且將軍威德所被飄飛霧襲方掩入紘豈在一
介若必從隗始先須濟其生靈足下何不從容爲將軍言
也於是方得見寬俄而信返晞遂歸鄴 又崔暹傳崔愨
字長謙清河東武城人少與太原王延業俱爲著作佐郎
監典校書後爲青州司馬賊圍城二百日長謙讀書不廢
凡手抄八千餘紙天文律歷醫方卜相風角鳥言靡下開

解晚頗以酒爲損遷司徒諮議修起居注加金紫光祿大
夫後兼散騎常侍 又崔亮傳崔肇師清河東武城人天
平初以通直散騎侍郎爲慰勞青州使至齊州界爲土賊
崔迦葉等拘欲逼與同事肇師執志不動喻以禍福賊遂
舍之仍巡慰青部而還

梁書劉杳傳杳字士深平原人天監初爲太學博士宣惠
豫章王行參軍杳少好學博綜羣書沈約任昉以下每有
遺忘皆訪問焉嘗於約坐語及宗廟犧樽約云鄭元答張
逸謂爲畫鳳皇尾娑安然今無復此器則不依古杳曰此
言未必可按古者樽彝皆刻木爲鳥獸鑿頂及背以出內

酒頃魏世魯郡地中得齊大夫子尾送女器有犧樽作犧
牛形晉永嘉賊曹疑於青州發齊景公家又得二形亦
爲牛象二處皆古之遺器知非虛也約大以爲然
賈弼之山公表注任護字子咸樂安人與潘岳同爲楊肇
女夫岳善之雖兄弟之愛無以加也岳稱其有韜世之量
宮奉車都尉二十而沒

劉義慶世說桓温有主簿善別酒好者調青州從事惡者
謂平原督郵青州有齊郡平原有鬲縣從事言到臍督郵
言在膈上住也

唐書宰相世系表崔氏出自姜姓齊丁公伋嫡子季子讓

青州府志卷六十四

十七

國叔乙食采於崔遂爲崔氏季子二十四世孫業字伯基
漢東萊侯居清河東武城業六世孫泰字世榮散騎常侍
始居歙縣泰十四世孫曠宋樂陵太守隨慕容德渡河居
齊郡烏水號烏水房曠子靈延宋長廣太守靈延子光本
名孝伯字長仁魏車騎大將軍儀同三司平恩縣侯贈太
傅光子勵字修德太尉長史勵弟勛朝陽縣伯勛弟劼字
彥元齊中書令加開府劼子拱拱弟撫劼弟廓之光弟敬
友魏梁郡太守光弟子鴻字彥鸞給事黃門侍郎加散騎
常侍鴻弟鷗光從祖弟長文字景翰魏平州刺史長文弟
庠字文序魏東徐州刺史平原伯庠子罕襲爵光族弟榮

先字隆祖州主簿榮先子鐸中散大夫鐸弟覲羽林監

案北

史崔光傳光祖曠隨慕容德南渡河居青州之時水慕容氏滅仕宋為樂陵太守於河南立冀州置郡縣即為東清河歛人縣分易更為南平原貝邱人則唐書謂泰始居歛縣者非也時水俗名烏河故號烏水房按唐書所謂歛者晉之歛也東清河之

又魏中尉炎炎生欽欽生京京孫

瓊慕容垂車騎屬生輯宋泰山太守徙居青州號青州房

輯子修之宋清河太守修之子元孫尚書郎元孫子亮字

敬儒北魏尚書僕射加散騎常侍亮子士安諫議大夫士

安弟士和蕭寶寅都督府長史士和子乾亨出繼士安尚

書都兵郎中士和弟士泰龍驤將軍征蠻別將五等男士

泰子肇師齊中書侍郎襄城縣男亮弟敬默魏征虜長史

青州府志卷六十四

敬默子思韶冀州別駕武城子敬默弟敬遠以其賤出殊

不經紀論者譏焉元孫弟幼孫宋太原太守幼孫子光韶

魏廷尉卿祕書監光韶弟光伯太傅諮議參軍光伯子滔

殷州別駕修之弟攸之輯弟目連目連子僧祐僧祐弟僧

深魏南青州刺史僧深子伯麟伯驥伯鳳祖龍祖螭祖虬

目連弟道固字季堅北魏平蠻郡太守臨淄子道固子景

徽字文叡襲爵平州刺史僧深從弟和平昌太守和子軌

字啟則齊開府鎧曹參軍 又魏司空安陽孝侯林字德

儒中尉炎之從弟也林曾 悅石 龍司徒長史關內侯

悅子渾渾弟潛慕容暉黃 侍郎潛子宏字元伯魏天部

大人司空文貞公宏子浩字伯深司徒監修國史東郡公
浩弟簡字仲亮一名覽中書侍郎五等侯簡弟恬字叔元
豫州刺史武陽侯宏弟徽字元猷魏樂安王傅濟南元公
潛弟湛子顓魏東府諮議參軍顓子蔚郢州刺史家於榮
陽號鄭州崔氏蔚子幼永昌郡守幼子彥珍彥珍弟彥穆
隋上大將軍東郡公彥穆弟君綽嗣公丞相府賓曹參軍
君綽弟君肅潁州郡守

案中尉炎司空林俱出漢東萊侯業之後炎爲業之九世孫林爲業

之十二世孫而陳壽魏志則以林爲炎之從弟姑依三國志錄之又案林本傳林子述述弟隨晉尚書僕射述生
太子右衛率而北史崔宏傳亦不言
崔悅爲瑋之子姑闕疑以俟博識者
又孫氏出自姬姓

衛康叔八世孫武公和生公子惠孫惠孫生耳爲衛上卿

青州府志卷六十四

食采於戚生武仲乙以王父字爲氏乙生昭子炎炎生莊
子紇紇生宣子鱮鱮生桓子良夫良夫生文子林父林父
生嘉世居汲郡晉有孫登卽其裔也又有出自媯姓齊田
完字敬仲四世孫桓子無宇無宇二子恒書書字子占齊
大夫伐莒有功景公賜姓孫氏食采於樂安生憑字起宗
齊卿憑生武字長卿以田鮑四族謀爲亂奔吳爲將軍三
子馳明敵明食采於富春自是世爲富春人明生黼黼生
勝字國輔秦將勝生蓋字光道漢中守生知字萬方封武
信君知生念字甚然二子豐益益字元器生卿字伯高漢
侍中生憑字景純將軍二子屈詢詢字會定安定太守二

子鸞騏鸞生爰居爰居生福爲太原太守遇赤眉之難遂居太原中都太原之族有嵐州刺史昉生存進安定太守詢次子騏字士龍安邑令二子通竄通子孫世居清河後魏有清河太守靈懷武德中子孫因官徙汝州郟城竄字子遠後漢天水太守徙居青州生厚字重殷大將軍掾生瑤字良玉中郎將生邃字伯淵清河太守生儵字士彥洛陽令生國字明元尚書郎生軌字元志漢陽太守二子鍾旃鍾吳先主權卽其裔也旃字子之太原太守二子炎歷炎字叔然魏祕書監生倭字仲觚太官令生道恭字雅遜晉長秋卿二子顓芳顓字士若芳中書令子烈避趙王倫

青州府志卷六十四

二十

之難徙居昌黎生岳前燕侍中子孫稱昌黎孫氏 又敬氏出自媯姓陳厲公子完適齊諡曰敬仲子孫以諡爲氏敬仲之後至秦有敬丕丕生教爲河東太守子孫因官家焉裔孫韶漢末爲揚州刺史生昌封猗氏侯昌生歸南涼枹罕太守唐有敬暉字仲華相中宗 又呂氏出自姜姓炎帝裔孫爲諸侯號共工氏有地在宏農之間從孫伯夷佐堯掌禮又佐禹治水有功賜氏曰呂封爲呂侯世有國士商周之際呂侯支庶子孫或爲庶人呂尚字子牙號太公望封於齊太公十九世孫康公貸爲田和所篡遷於海濱康公七世孫禮秦昭襄王十九年自齊奔秦爲柱國少

宰北平侯二子伯昌仲景伯昌生清以令尹從漢高祖封陽信侯諡曰胡唐有隨州刺史仁宗卽其後也康公未失國時呂氏子孫先已散居韓魏齊魯之間其後又徙東平壽張魏有徐州刺史萬年亭侯虔字子路孫行鈞其後世居河東行鈞後魏東平太守 又第五氏出自媯姓齊諸田漢初多徙奉園陵者故以次第爲氏唐有第五華華弟琦相肅宗姓氏略齊王建孫田安之後有第二房第五房第八房皆以爲氏漢有第五倫第五魴 又齊氏出自姜姓炎帝裔孫呂尙後封於齊因以爲氏漢有平敬侯齊受傳封四世居高陽晉有武邑侯齊炎唐有齊 齊映皆相

青州府志卷六十四

二十一

德宗 又蔣氏出自姬姓周公第三子伯齡封於蔣其地光州仙居縣是也宋改爲樂安 仙居樂安皆所未祥 蔣爲疆國所滅子孫因以爲氏漢有蔣詡十世孫休自樂安徙義興陽羨縣 又梁文貞傳呂元簡青州北海人開元時四代同居至所蓄牛馬羊狗皆異母共乳御史大夫崔隱甫廷奏其事請加旌表詔許之 又鄧景山傳田神功冀州南宮人肅宗時劉展作亂淮南節度使鄧景山引平盧副大使田神功兵馬討賊神功至揚州六掠居人資產鞭笞發掘略盡商胡大食波斯等商旅死者數千人俄而拴展還送京師遷淄青節度使 又楊烈婦傳史思明之叛青州女子

王氏與衛滑侯唐二女 血赴行營討賊滑濮節度使許
叔冀表其忠皆補果毅

宣室志海岱之間出元黃右或云茹之可以長生唐元宗
命臨淄守歲採而貢焉開元二十七年江夏李邕爲臨淄
守是歲秋因入山採元黃石忽遇一翁叩焉告曰君侯躬
自採藥豈不爲延聖主之壽乎曰然翁曰聖上當獲龍馬
則享國萬歲無勞採藥耳邕曰龍馬安在答曰當在齊魯
之間邕命駕以後乘遽不見邕大異之曰得非神人乎卽
命其吏王乾真往求之二十九年果得於北海郡民馬會
恩家其色騅毛兩脇有鱗鬣尾若龍日馳三百里乃上獻

青州府志卷六十四

二十二

之 又建中初樂安任頊者讀書深山中忽有一黃衣翁
扣門而告之曰吾龍也西去此一里有土湫家之數百歲
矣明日當有道士用術竭我湫水願子大呼天有命殺黃
龍者死再竭再呼則無事矣如期往果見一道士長可丈
餘乘片雲自西來立湫岸出黑符數道投湫水中頃之水
盡涸見一黃龍困沙中頊如命呼之湫水盡溢如是者三
是夕夢老人來謝曰無以報德謹奉一珠於湫岸幸取之
頊往果得徑寸珠光色洞徹後持至廣陵市有胡人見之
拜曰此真驪龍寶也世人莫得以錢數十萬售之
五代史死事傳翟進宗張萬迪者皆不知其何人也初皆

事唐後事晉進宗爲淄州刺史萬迪爲登州刺史楊光遠反以騎兵數百脅取二刺史至青州萬迪聽命面進宗獨不屈光遠遂殺進宗出帝贈進宗左武衛上將軍及光遠平曲赦青州雖光遠子孫皆見慰釋而獨不赦萬迪暴其罪而斬之詔求進宗尸加禮歸葬葬事官給以其子仁欽爲東頭供奉官 又梁臣王景仁傳景仁廬州合肥人也初名茂章少從楊行密起淮南景仁爲將驍勇剛悍質略無威儀臨敵務以身先士卒行密壯之梁太祖遣子友甯攻王師範於青州師範乞兵於行密行密遣景仁以步兵七千救師範師範以兵背城爲兩柵友甯夜擊其一柵柵中告急趣景仁出戰景仁按兵不動友甯已破一柵連戰不已遲明景仁度友甯兵已困乃出戰大敗之遂斬友甯以其首報行密是時梁太祖方攻鄆州聞子友甯死以兵二十萬倍道而至景仁閉壘示怯伺梁兵怠毀柵而出驅馳疾戰戰酣退坐召諸將飲酒已而復戰太祖登高望見之得青州降人問飲酒者爲誰曰王茂章也太祖歎曰使吾得此人爲將天下不足平也

舊志王陶密州人數世同居

齊乘云見五代史孝友傳誤

宋史韓世忠傳世忠字良臣延安人欽宗卽位轉武節大夫時勝捷軍張師正敗宣撫副使李 大斬之大校李復

鼓衆以亂淄青之附者合數萬人山東復撥彌大檄世忠將所部追擊至臨淄河兵不滿千分爲四隊布鐵蒺藜自塞歸路令曰進則勝退則死走者命後隊勦殺於是莫敢返顧皆死戰大破之斬復餘黨奔潰乘勝逐北追至宿遷賊尙萬人方擁子女椎牛縱酒世忠單騎夜造其營呼曰大軍至矣亟束戈卷甲吾能保全汝共功名賊駭慄請命因跪進牛酒世忠下馬解鞍飲啖之盡於是衆悉就降黎明見世忠軍未至始大悔失色以功遷左武大夫果州團練使

東都事略姜遵字從式淄州人也通判延州入爲侍御史

青州府志卷六十四

二十四

青州大姓麻氏其富冠四方契丹之寇澶淵也兵至臨淄麻氏聚莊人千餘據險自保鄉里賴之全濟者甚衆虜退麻氏歛器械盡輸官留什二三以衛其家家旣富饒族橫於齊麻士瑤有孫姪懦弱士瑤恐其分財幽餓而死發其事因索其家獲兵器及玉小印乃奏麻氏大富縱臨淄齊人懼伏私蓄禁兵刻玉寶將圖不軌詔按實誅之麻氏遂衰而遵由是以擊搏知名

太平寰宇記密州境東西三百六十一里南北三百九十里西至東境一千五百里西至西京一千八百八十五里西至長安二千七百四十五里東至大海一百六十里南

至海州三百八十四里西至沂州三百七十里北至青州三百三十里東南至海一百六十里西南至沂州一百六十里西北至青州一百六十里東北至萊州三百四十五里土產細布絕布牛黃海蛤出琅邪臺以三月候海潮上下方採已上並舊貢文獻通考密州漢爲防禦周爲軍事

太平御覽齊國有山山有泉如井深不可測春夏時雷從井出常敗五穀人以柴塞之不塞輒出號爲柴都

原隰雜誌王沂公父雖不學問而雅重儒道每遇故紙必掇拾滌以香水收之嘗曰願我子孫以文學顯一夕夢宣聖拊其背曰汝敬吾教甚勤懇汝已老無可成就當遣曾

青州府志卷六十四

二十五

參生汝家晚年得一子乃沂公也因名曾以狀元及第官至中書侍郎門下平章事以文學顯也

澠水燕談錄楊光遠之叛青州也有孫中舍忘其名居圍城

中族人在州西別墅城閉既久內外隔絕食且盡舉族愁嘆有畜犬徬徨其側有憂思中舍因囑曰爾能爲我至莊取米邪犬搖尾應之至夜爲置一布囊並簡繫犬背上犬卽由水竇出至莊鳴吠居者開門識其犬取簡視之令負米還投曉入城如此數月比至城開孫氏闔門數十口獨得不餒孫氏愈愛畜之後數年斃葬於別墅之南至其孫彭年語龍圖趙公師民刻石表 曰靈犬誌 又咸平中

契丹舉國入寇南至淄青淄川小郡城壘不完刺史吏民皆欲棄城奔於南山兵馬監押張蘊按劍厲聲曰奈何去城隍委府庫大衆一潰更相勦奪敵未至而吾已殘矣刺史若出吾當斬以徇由是無敢動者後君爲環州馬嶺鎮監押雖處窮塞猶建孔子祠刻石爲之記慶厯中范文正公過其地書其碑陰以美之其子揆揆以文學才行有名於世皆登侍從 又景德中朝廷始與北虜通好詔遣使將以北朝呼之王沂公以爲太重請但稱契丹本號可也 眞宗激賞再三朝論躋之 又祥符中王沂公奉使契丹館伴耶律祥頗肆談辯深自衒鬻且矜新賜鐵券公曰鐵

青州府志卷六十四

二十六

券蓋勲臣有功高不賞之懼故賜之以安反側耳何爲輒及親賢祥大沮矣 又劉永錫平原人天聖末以虞曹外郎知干乘縣一日與門生對食永錫以饅頭食畜犬生曰犬彘食人食古人所譏况珍味耶犬不食瞋視之以去數日不知所在一夕犬至跑門闕下將入坐起視之知其將害已卷衾詐作人臥牀上升棟以避之犬入登牀噬之覺非人乳怒出戶擲尾作聲移刻而死 又青州城西南皆山中貫洋水限爲二城先時跨水植柱爲橋每至六七月間山水暴漲水與柱鬪率常壞橋州以爲患明道中夏英公守青思有以捍之會得牢城廢卒有智思疊巨石固其

岸取大木數十相貫架爲飛橋無柱至今五十餘年橋不壞慶歷中陳希亮守宿以汴橋率常損官舟害人乃命法青州所作飛橋至今汾汴皆飛橋爲往來之利俗曰虹橋又范文正公未免乳喪其父隨母嫁淄州長白山朱氏旣冠文章過人一試爲南宮第一人遂擢第仕宦四十年晚鎮青西望故居纔百餘里以詩寄其鄉人曰長白一寒儒登榮三紀餘百花春滿地二麥雨隨車鼓吹前迎道烟霞指舊廬鄉人莫相羨教子苦讀書又淄州淄川縣梓桐山石門澗有石曰青金色青黑相雜其文如銅屑或云卽自然銅也理細密范文正公早居長白山往來於此

青州府志卷六十四

二十七

嘗見其石皇祐末公知青遣石工取以爲硯極發墨頗類歙石今東方人多用之或曰范公石然不耐久久則不免斷裂又唐彥猷清簡寡慾不以世務爲意公退居一室蕭然終日默坐惟吟詩臨書烹茶試墨以此度日嘉祐中守青社得紅絲石於黑山琢以爲硯其理紅黃相參文如林木或如月暈或如山峯或如雲霧花卉石自有膏潤浮泛墨色覆之以匣數日不乾彥猷作硯錄品爲第一以爲自得此石端溪龍尾皆置不復視矣又胸山有花類海棠而枝長花尤密惜其不香無子旣開繁麗嫋嫋如曳錦帶故淮南人以錦帶目之王元之以其名俚命之曰海仙

有詩曰春憎窈窕教無子天爲妖嬈不與香又曰錦帶爲名卑且俗爲君呼作海仙花

齊乘王從善青州人雍熙二年始踰冠九經及第

詩話總龜富鄭公早年嘗夢青州王相公以後事相託公曰相公德被生民當延遐壽何遽及此二年罷相知鄆州適鄭公爲倅到任月餘有大星隕於宅園家人怪之相告曰後月當見至後月果薨鄭公爲治喪事故鄭公輓詞曰遺德被生民與當年夢中符契

夷堅志鄂州大吏丁某死妻年方三十與屠者朱四通其子二郎尙少不能制至於成立朱略無忌憚白晝宣淫反

青州府志卷六十四

二十八

怒丁子不揖以爲見我無禮蓋以假父自處也丁憤懣以母之故且慮醜聲彰著隱忍弗言有哮張二者密州諸城人遭亂南徙亦以屠爲業壯勇盛氣丁意可屬此事而每與儔輩詣市飲酒張擔肉過前輒呼買之而厚酬厥價久或至數倍他日邀之飲問何以不作區肆而行賈僕僕張曰非不能之但赤手乏本耳乃付之數百緡默念彼當感我恩誼必可使從容曰君知我心中有不平事乎曰不知也丁以乞毆朱爲請張怫然曰訝汝貸我錢蓋欲陷我於爭鬪奮衣而起自後相遇然如不相識迨於絕交衆哂丁不知人而下交匪類丁亦銜之未幾張拉朱同渡江買

猪於漢陽爭舟相歐擊既歸夜入朱室殺朱與男女並三人自縛告官終不及丁一詞時岳少保領大兵駐鄂嘉其志義移檄取隸軍中不問其罪後以功補官 又青州譙氏大家也其所居堂後有大柿樹圍三丈許蓋百餘年之物崇甯二年冬雪寒甚本凍裂至根中有奇石長袤丈紋理瑩然碧色可愛聞者爭觀莫測其兆多以為祥然自此家道凌替售宅於他人居之復不甯及宣和末未三十年屢易主矣

山東通志富彥國在青社河北大饑民爭歸之有夫婦襁負一子棄之道左空冢中而去後歸鄉過此冢欲取其骨

青州府志卷六十四

二十九

則兒尚活肥健於昔冢中有蟾蜍如車輪氣咻咻然意兒呼吸此氣故不食而健自爾遂不食年六七歲肌體如玉其父抱兒來京師以示小兒醫張荆筐張曰物之能蟄燕蛇蝦蟆之類是也能蟄則不食壽可千歲能聽其不食不娶則得道矣父喜攜去後不知所在

為善書益都尉馬伯初在鄉累舉不捷居郊野一夕有盜穿窬而入伯曰汝冒雨穴壁必不得已盜曰我營卒也因博輸不敢歸乃來相擾伯曰吾有絹二疋取贈之盜謝去復詣營請於軍尉得不治罪伯後將就試卒忽出燈下曰前蒙恩誓必報今不幸沒於軍既而伯赴試卒悉以所

試題預報之伯果獲高捷至南省亦然已而登第卒又見
曰公必尉益都某當往彼相助後果尉是邑有告羣盜聚
某村林中者伯率衆往捕因騎馬獨與一廳吏先至羣盜
皆俯伏就執

舊志許表民青社人能詩 又臨淄縣城外二十里有古
石佛一軀高丈餘在田野間宣和五年忽自動搖晝夜不
止遠邇驚異咸來起拜邑令吳眞亨惡其惑衆集丁壯碎
之明年縣爲羣盜所殺

金史烏雅沃哩布

原作烏延
五里補

傳沃哩布海蘭路禪嶺人也

天會中大軍經略密州沃哩布將兵二千爲前鋒遇敵萬

青州府志卷六十四

三十

人於高密遂敗其衆追至城下殺戮殆盡獲馬牛三千餘

沃哩布復與伯騰

原作亨
太欲

敗賊王義軍十餘萬於州南是

夜賊兵數千來襲營沃哩布以兵橫擊走之 又石琚傳

石皋定州人補郡吏從魯王棟摩攻青州州人堅守不降

棟摩怒及城破命皋計州民人數將使諸軍分掠有之皋

緩其事棟摩讓之皋曰大王將爲朝廷撫定郡縣當使百

姓安堵無或侵苦之若取城邑而殘其民則未下者必死

守以拒我皋之稽緩安敢逃罪棟摩感悟乃下命曰敢有

犯州人者以軍法論指其坐謂皋曰汝之子孫必有居此

坐者皋隨守定州 又王元節傳元節字子元宏州人也

幼穎悟登天德三年詞賦進士第雅尚氣節不能隨時俯仰太宗時遷密州觀察判官既罷逍遙鄉里以詩酒自娛號曰遯齋年五十餘卒 又嚇舍哩良弼傳良弼本名羅

索原作 婁室輝發川人也世宗卽位拜平章政事封宗國公初

山東兩路明安穆昆與百姓雜居詔良弼度宜易置使與百姓異聚與民田互相犬牙者皆以官田對易之自是無

復爭訴 又守道傳守道本名實訥埒原作 習 尼烈以祖古新

功擢應奉翰林文字皇統九年同知盧龍軍節度使事歷獻祁濱薊四州刺史世宗幸中都過薊父老遮道請留遷

昭毅大將軍授左諫議大夫大定二年改太子詹事兼右

青州府志卷六十四

諫議大夫馳驛規畫山東兩路軍糧及振民飢守道籍大姓戶口限以歲除使盡輸其贏入官復給其直以是軍民皆足

元史齊都爾傳哈拉珠原作 哈蘭蒙古氏襲佩虎符李璫叛

世祖命領諸萬戶爲監戰達嚕噶齊以討之有功授解萬

戶翼監戰領軍遷益都路蒙古萬戶監戰密州沒於軍

又馬紹傳紹字子卿濟州金鄉人至元十年僉山東東西

道按察司事益都甯海饑紹發粟振之 又蓋苗傳苗字

耘夫大名元城人延祐五年登進士第至正二年以都事

御史出爲山東廉訪副使益都淄萊地舊稱產金朝廷建

一府六所綜其事民歲買金以輸官至是六十年矣民有忤其官長意輒謂所居地有金礦掘地及泉而後止猾吏爲奸莫敢誰何苗建言罷之三年入爲戶部侍郎四年由刑部尚書出爲山東廉訪使民飢爲盜所在羣聚乃上救荒弭盜十二事劾宣慰使飢餓不法者有司援例欲徵苗所得職田苗曰年荒民困吾無以救尚忍徵斂以肥已耶輒命已之同僚皆無敢取召參議中書省事

明正德六年諸城南龍灣巡檢女張桂真直隸蠡縣人巡檢死貧不能歸時流賊攻龍灣城甚急桂真謂母曰賊且至我年少恐不免於辱遂赴海死越三日賊退其母往尋

青州府志卷六十四

三十一

之屍猶浮故處面色如生

舊志嘉靖丙辰巨寇趙慈爲亂四方亡命從之將攻胸邑先期卜於東鎮祠不吉寇怒不謝而去不十里遇官兵寇大敗及得渠魁訊之曰臨陣時初不知有官兵也第見左右前後皆懍懍偉丈夫與鎮廟神像無異故敗耳

王士禎居易錄李焯字振雅長垣人萬厯間進士好道術畜一不灰木爐爐中香烟自起則呂仙降其室與寤言終夜惟一小僮聞之餘人不聞也官青州府知府府署後有園前官游者輒病恆肩鑄之焯入園周視曰無他異惟荷池中瘞萬金此爲崇耳其二子請發之焯曰金鑄柴寅賓

名字吾何可 取乃復扃其門加封識焉柴寅賓者亦長垣人時方成進士知某縣也一日坐公堂忽對城南雲門山咄咄久之呼兩隸前曰南山某處有兩狼厄一擔夫急往救緩無及矣隸馳往至南門外過一妓館索茶焯坐堂上怒曰吾戒喻嚴切乃淹留妓館耶遣急足偵之果在爲述守言乃大驚急同至南山下則一擔夫與兩狼相持力盡幾斃矣遂協力殪一狼擔夫得脫其神異往往類此郡無疾一日忽召二子曰呂仙召我我將逝矣遂卒年甫五十二後數年柴寅賓果守青州發池獲萬金富甲邑中柴沒其子不能守竟敗落

青州府志卷六十四

三十三

益都縣志翟珂著俯察祕旨青囊註解若干卷

樂安縣志王印懋字有懷隨父籍順天霸州遂家焉崇禎四年進士累官甯武副使李自成寇京西與總兵周遇吉皆戰死之從兄家基弟家章皆舉人有文名其曾王父三父墓皆在縣之北郭蓋舊北郭人也

國朝學使施閏章夢愚堂銘施子返自粵西旣脫險難載懼憂戚除服北征驚魂甫集一夕宿於青州之官舍庭月皎然酒酣就睡若有見焉欣然而長黝然而黑長袖青衣袒胸跣足持半刺署愚山道人四字余詫問曰子何爲者將古之愚公耶其柳愚溪之苗裔耶將山鬼木客之無名

者耶抑游方之外不通姓名倨見士大夫者耶其人不對投刺而去覺而視之空庭無人月在高樹時乙未三月之望日也至京以告侍讀學士方先生答曰噫殆子之前身也因呼余曰愚山子其明年督學山東抵青州駐節於斯開帙視郡志地故有愚公谷乃失笑曰向所夢者其斯人耶豈以余負才矜異曉曉然自鳴於人非自全之道而以愚告耶夫舉世巧宦遇之以愚則無失足人情刻深與之以愚則無戒心惟口興戎守之以愚則沈默而不爭位高則危名盛則毀居之以愚則澹泊而無損至於幽憂之傷人思慮之耗精彫蟲之漓大道抑之以愚則頽焉浩焉而

得所歸愚之義大矣哉余惟懼余之不克終愚也乃顏之曰夢愚堂銘曰愚爲陋名哲人用恥人之所惡天之所喜夢耶覺耶神或予啟含醇抱樸以沒餘齒 又康熙五十八年春郡人偶感疫症忽謠云喜鵲瘟得鵲啖之可已羣捕之每翼可得錢緡餘闔城內外網羅殆盡時太守公座有羣鵲數百曉曉庭樹飛入簷溜及椽吏房或伺太守出迎賓客莫不隨翔羣噪若有所申訴然者時亦莫知其故偶以望日詣廟行香見有懸雙鵲於列肆者問之則云此時症之靈藥也值甚昂未幾肩擔纍纍以百數十計市者爭購不已太守乃太息曰此皆若輩造言用以射利至於

傷生不意羣鵲之訴直爲此也懲之盡法捕者乃止越日鵲復羣噪於庭若欣喜鳴詡狀而疫亦已

益都縣志翟良著脈訣彙編經絡彙編藥性對搭本草古方講義豆科編各若干卷行於世

博山縣志岳含珍著靈素區別鍼灸闡奇古方體用考各若干卷

臨淄縣志陳貞女大興人幼失恃父爲臨淄縣令周公幕賓故從至臨淄貞女已字人未嫁壻死貞女知之卽潛爲服喪其父欲爲更擇偶不可固強之抱其壻家訂婚書自經周令爲請旌反其櫬與壻合葬

青州府志卷六十四

三十五

安邱縣志韓齊鄰字朋桓明庠生性澹泊工詩晚年攜其妾梁頎袖仲隱居讀書終身不入城市梁亦工詩新城尙書王士禎古夫于亭雜錄載其句云梨花皓月原同色風竹流泉不辨聲至今詩人猶豔稱之 又高密于成吾妻臧氏僑寓安邱之東鄙于寢疾謂氏曰吾死宜早自計曰妾結髮從君十餘年不及事舅姑又無子奚計爲脫有不諱願少須同爲地下游耳于默然尋卒力治喪三日葬畢長妣某虞其死多方勸慰之氏無言亦無戚容妣謂其意易次夕娣妣共長語旣寢覺而氏失所在急起索之已嚴妝自經死年二十八

諸城縣志縣西 五 吉社有周公堂前志云公名則

不知何代人爲 實正直不阿鄉里重之稱周公臨終

端坐而化子 義 其骸爲像祀之嘉靖三十一年

萬曆十七年邑人王通李昂相繼重修李澄中云相傳爲

唐人有士行士人以公道呼之先祖同知公以其廟爲風

沙所沒欲移置村東發之乃一蛇窟於是穴村東地移蛇

其中始斃石置蛻骨肖像焉夫雖無所表見而傳之至今

蓋亦鄉先生沒而祭於社之意也 又王化貞著普門醫

品四十八卷附醫品補遺四卷行於世 又竇光彝著內

經素問摘註六卷內經靈樞摘註四卷傷寒論註解三卷

青州府志卷六十四

金匱要略註解二卷 又釋海靈著五蓮山志 又姜氏

馮運生妻不知何許人寓居諸城年二十一夫卒無子亦

無戚舊舅老病姜採齋奉之茹荼以自活人稱其孝舅沒

鄉里共出資葬之 又丁氏馬兌妻不知何縣人寓居諸

城夫卒舅姑欲嫁之乃抱子逃至高某家有惡少夜入其

室丁大罵批之惡少遁去其至某家時年二十九後七十

餘卒 又王氏劉鳳儀妻不知何縣人寓居諸城夫卒夫

兄欲嫁之以逃王某家得免年六十餘卒 又苗二妻

姓

江南人寓居諸城雍正八年饑夫餓死人欲嫁之氏自

投水死 又金桂諸城丁氏 也一日丁氏樓火金桂

其失

十餘歲倉皇走出四顧不見丁母亟冒火入扶掖以出又入援他婢火愈烈死縣人進士臧夢元爲之傳事在乾隆三十二年

陳忠

采訪不言何縣

及妻某氏高廷簡家奴也明崇禎末

大兵至廷簡被獲其妻邵匿忠妻所兵入忠室指邵謂忠妻曰此必爾主母也忠妻誑爲已女歸甯屢詰不易辭邵得脫順治四年廷簡歸生一子淑而沒九年土寇起忠抱淑竄伏荆棘中啖以山果寇過則以衣袖掩其淑竟免於難忠爲淑經紀家事至死不懈

重修青州府志跋

重修青州府志六十四卷安邱劉莊年先生手訂藁而太守吳郡毛公素存所增損者也莊年先生以鄉先達素究心於文獻採訪攷證博涉羣書獨創義例將成一家言前太守李公樂亭因屬以修志之事及毛公既蒞任聞莊年先生業有成書銳意促成之乃未脫藁而先生遽捐館舍公因就其原藁自爲丹鉛潛心釐訂時順昌備員益都命襄厥事閱一稔而書成按青州府志自康熙間太守陶公重修之閱今一百三十餘年矣後改日照蒙陰等四縣隸沂州府舊志猶未分晰其間因革沿襲以及人物宦蹟

跋

一

遺文軼事漫漶無紀幾幾有散失之虞况青州素稱名郡山川挺秀人物蔚起自達官顯者文人學士以至編氓黎獻婦人孺子凡嘉言懿行可歌可泣可法可傳者亦指不勝僂前之官斯郡者不少名賢未聞從事於斯豈盡知難而退哉一以統轄十一邑徵訪需時一以政事繁多秉筆無暇因循姑待以迄於今也度非有賢太守以興舉廢墜爲己任而又有鄉之賢士大夫實力採訪文章鉅公握管而成之亦未易言也今得二公力爲修舉而使千百餘年之文獻朗若列眉使讀者一覽而知焉厥功亦偉矣哉

昌

以屬吏得與其事亦何其幸也至於體例之嚴斷制

精棄取之當攷證之確博收之而不失之煩節取之而不傷於 實事求是有美必彰二公皆大手筆殫精銳思數經損益已毫髮無遺憾若 順昌 者淺學疏陋雖與參校之末亦祇若游夏輩莫能贊一辭矣因鋟版告成而志其末如此 謹

跋

二